



Jens Kristian Therkelsen  
Siumut  
/Maani

## **Karrani ilimasaarinnermut atortorissaarutit pillugit § 37 naapertorlugu apeqquteqaammut nr. 164-2022-mut akissut**

Asasara Jens Kristian Therkelsen

Karrani ilimasaarinnermut atortorissaarutit pillugit Inatsisartut Suleriaasianni § 37, imm. 1 naapertorlugu Naalakkersuisunut apeqquteqarputit. Apeqqutit uannut akisassanngorlugit innersuunneqarput.

### **1. Karrani atortorissaarutilersuinerit ukiunut sisamanut sivilissuseqassasoq takunikuuara, tamannalu ima isumaqassanerluni aatsaat maannakkumiit ukiut tallimat qaangiuppata innutaasa uterfigisinnaassagaat??**

#### **Akissut:**

Alapernaarsuinnermut atortorissaarutit, paasissutissanik nalunaarsukkanik ullut tamaasa internet atorlugu iserfissamut, tassanngaaniillu ujarassiuunit misissoqqissaarneqartartussanik, nassitsisartussat, aasaq manna ikkussorneqarput. Naatsorsuutigineqarpoq paasissutissat katersorneqartut pisup ingerlasarneranik paasinninnermut pitsanngorsaassasut, maannakkut qaqqap sisoorneranut takorluukkanut uppernarsaassasut imaluunniit taamaannginneraassasut. Tamanit pingaarnepaavoq siunnerfigigatsigu siunissami annertoorsuarmik qaqqap sisoqqilersinnaanerani ineriartortoqarsinnaanera ersiuteqaleriartortoq paasisinnaanissaa.

Tamatuma saniatigut Nunalerinnermut, Imminut Pilersornermut, Nukissiutinut Avatangiisinullu Naalakkersuisoqarfimmit akissuteqaammut ilassutissanik piniartorpoq, taassumalu paasissutissiissutigaa:

Paasissutissat apeqquterni taasatit Naalakkersuisut ilisimanngilaat, kisianni paasissutissiissutigineqarsinnaavoq Naalakkersuisut upalungaarsimanermut ataatsimiititaliap politiillu nalilersuineri malikkaat. Qaqqap sisoqqissinnaanera suli annertoorujussuarmik aarlerinaateqarpoq. Taamaattumik Kalaallit Nunaanni Upalungaarsimanermut ataatsimiititaliap upalungaarsimanikkut naliliinera imaappoq, Nuugaatsiaq aamma Illorsuit, kiisalu kangerluup ilaa taakkununga atasoq suli navianartorsiorfiusutut isigineqartariaqartut. Tamanna malillugu Kalaallit Nunaanni Upalungaarsimanermut ataatsimiititaliap naliliivoq innuttaasut tunngavissat pigineqartut tunngavigalugit Nuugaatsiamut Illorsuarnullu suli

Allakkat ulluat: 10-10-2022  
Suliap nr.: 2022 - 16537  
Akt-id: 20985970

Postboks 1614  
3900 Nuuk  
Tlf.: (+299) 34 50 00  
Fax: (+299) 34 54 10  
E-mail: [asn@nanoq.gl](mailto:asn@nanoq.gl)  
[www.naalakkersuisut.gl](http://www.naalakkersuisut.gl)

utertariaqanngikkaluartut, aammalu navianartorsiorfiusut taakkua qanitaanni angalaartoqartariaqanngikkaluartoq.

## 2. Qaqugu Illorsuarmit ornillugit ataatsimeeqatigineqarniarpat?

### Akissut:

Illorsuit navianartorsiorfiuinnartillugu tassani innuttaasunik ataatsimiititsisoqassanngilaq. Naalakkersuisup innuttaasunik ataatsimiititsiniarluni, tassungalu ilanngullugu alapernaarsuinermit atortorissaarutinit paasissutissat nalunaarsukkat katersorneqartut siulliit saqqummiunniarlugit, ukioq naatinngu Uummannamut nunaqarfinnullu attuumassuteqartunut angalanissaa pilersaarutigineqarpoq.

Inussiarnersumik inuulluaqqusillunga

  
Aqqaq B. Egede